




Adolygiad Ysgolion

Ardal Treffynnon

Ysgol Uwchradd Treffynnon



Cyflwyniad

Mae Llywodraeth Cymru a Chyngor Sir y Fflint am weithio'n fwy effeithlon a lleihau nifer y llefydd gwag er mwyn sicrhau bod rhagor o arian ar gael i'w wario ar ysgolion.

Yr adolygiad o ysgolion yn ardaloedd Treffynnon, Queensferry/Shotton/Cei Connah a Bwcle/Mynydd Isa/yr Wyddgrug yw'r cam nesaf yn Strategaeth Moderneiddio Ysgolion Sir y Fflint a'i nod yw lleihau nifer sylweddol o lefydd gwag.

Caiff yr adolygiadau eu cynnal fesul tri cham:

- y broses ymgynghori anffurfiol (dyna sy'n mynd rhagddo ar hyn o bryd),
- cyfnod o fyfrio pan fydd y cynghorwyr yn penderfynu ar y dewis gorau ar gyfer y tair ardal
- y cyfnod statudol ffurfiol

Mae adran 'Y Camau Nesaf,' ar dudalen 9 yn y llyfryn hwn, yn egluro'r broses yn fanylach.

Yn ystod haf 2011, dechreuodd ymgynghoriadau anffurfiol ynghylch adrefnu ysgolion uwchradd yn yr ardaloedd hyn. Er bod pawb yn deall bod angen adolygu dyfodol ysgolion yn Sir y Fflint, penderfynodd y Cynghorwyr Sir oedi cyn bwrw ymlaen â'r broses er mwyn ymgymryd â rhagor o waith ar y dewisiadau i'w hystyried yn y broses ymgynghori.

Yn dilyn nifer o weithdai a gynhaliwyd dros yr hydref, mae'r Cynghorwyr yn awr ffyddiog y gallant ofyn am eich sylwadau a'ch barn am y dewisiadau a gyflwynir yn y llyfryn hwn.



Ymgynghoriad

Mae'r Cynghorwyr wedi cytuno i gynnig nifer o ddewisiadau yng nghyswllt Ysgol Uwchradd Treffynnon i leihau nifer y llefydd gwag yn yr ysgol sicrhau darpariaith chweched dosbarth barhau.

Fe wyddoch hefyd, mae'n debyg, fod Llywodraeth Cymru, o ran egwyddor, wedi cymeradwyo cyllid i godi campws dysgu newydd yn Nhrefynnon a chanolfan Ôl-16 newydd ger Ysgol Uwchradd Cei Connah a Choleg Glannau Dyfrdwy, ond bydd unrhyw benderfyniadau terfynol yn dibynnu ar ganlyniadau'r ymgynghoriad â rhieni, athrawon, staff, disgyblion a llywodraethwyr yr ysgolion dan sylw.

Cynhelir nifer o gyfarfodydd yn Ysgol Uwchradd Treffynnon i drafod y dewisiadau hyn. Ar dudalen 12 mae rhagor o fanylion am ddyddiadau, amseroedd a threfniadau'r cyfarfodydd hyn.

Bydd ymgynghoriad hefo plant a phobl ifanc yn cael ei drefnu yn arwahan.

Mae gwahanol ffyrdd o ddweud wrthym sut rydych yn teimlo, sef:


- gofyn cwestiynau a rhoi'ch sylwadau yn ystod y cyfarfodydd hyn
- anfon eich sylwadau, drwy lythyr, at Gyfarwyddwr Dysgu Gydol Oes, Adolygiad Ysgolion, Neuadd y Sir, yr Wyddgrug, Sir y Fflint CH7 6ND
- llenwi holiadur a'i anfon at Gyfarwyddwr Dysgu Gydol Oes, Adolygiad Ysgolion, Neuadd y Sir, yr Wyddgrug, Sir y Fflint CH7 6ND,
- llenwi holiadur ar-lein yn www.siryfflint.gov.uk/adolygiadysgolion



Daw'r ymgynghoriad i ben ddydd Gwener 27 Ebrill 2012. Mae'ch sylwadau'n bwysig i ni a byddant yn cael eu hystyried wrth i ni wneud penderfyniadau yn y dyfodol. Bydd penderfyniadau'r Cyngor yn cael eu seilio ar sylwadau ystyrlon am anghenion Treffynnon yn y dyfodol.

Ar ôl darllen y ddogfen hon, fel rhiant neu ofalwr, mae'n bosibl y bydd gennych gwestiynau y byddwch yn awyddus i'w gofyn yn y cyfarfod ymgynghori. Gallwch, os dymunwch, gyflwyno'ch cwestiwn cyn y cyfarfod. Yna, byddwn yn casglu'r holl gwestiynau ynghyd i'w hateb yn ystod y cyflwyniadau. Gallwch anfon cwestiynau drwy'r e-bost at 21stCenturySchools@flintshire.gov.uk. Gallwch ofyn cwestiynau ar dudalen Adolygiad Ysgolion Ardal CSyFf 2012 ar Facebook, neu eu hanfon drwy lythyr i'r cyfeiriad uchod. Cofiwch nodi'n glir pa ardal neu ysgol y mae'ch cwestiwn yn ymwneud â hi.

Beth fydd hyd y broses?



Ewch i dudalen 9 i gael rhagor o wybodaeth

Y cefndir

Yn ôl Llywodraeth Cymru, ni ddylai ysgolion yng Nghymru fod â dros 10% o lefydd gwag. Dywed hefyd fod angen i addysg chweched dosbarth ledled Cymru fod yn effeithiol ac yn effeithlon gan gynnig amrywiaeth eang o bynciau i'r disgyblion eu hastudio.

I wneud yn siŵr bod ysgolion yn Sir y Fflint yn bodloni'r gofynion a bennwyd gan Lywodraeth Cymru, cymeradwyodd y Cyngorwyr Strategaeth Moderneiddio Ysgolion Sir y Fflint.

Mae'r Strategaeth yn nodi y dylai ysgolion uwchradd fod ag o leiaf 600 o ddisgyblion (11-16). Mae hefyd yn nodi y dylai'r chweched dosbarth fod â 120 o fyfyrwyr. Rhaid i ysgolion fodloni'r gofynion hyn i wneud yn siŵr eu bod yn cael digon o arian gan Lywodraeth Cymru a'i bod yn cynnig amrywiaeth eang o bynciau i'r myfyrwyr.

Polisi'r Cyngor yr uno ysgolion babanod ac iau i greu un ysgol gynradd. Unwyd nifer o ysgolion yn llwyddiannus yn ystod y ddwy flynedd diwethaf.

Mae 409 (38%) o lefydd gwag yn Ysgol Uwchradd Treffynnon. Un dewis yw adeiladu ysgol uwchradd lai a rhannu rhai o'r cyfleusterau gydag ysgol gynradd newydd. Byddai'r cyfleusterau hyn yn cynnwys cegin, gwasanaethau ategol, stiwdio ddrama etc.

Mae gan Ysgol Uwchradd Treffynnon 85 o fyfyrwyr ym mlynnyddoedd 12 ac 13. Mae hyn yn is na'r nifer a gytunwyd yn Strategaeth Moderneiddio Ysgolion Sir y Fflint. I wneud yr ysgol yn ddichonadwy, mae'r ysgol yn gweithio'n agos ag ysgolion eraill i sicrhau y gall gynnig ystod fwy eang o bynciau i'w fyfyrwyr.

Mae'r dewisiadau'n cynnwys creu canolfan Ôl-16 yng Nghei Connah. Byddai hyn yn sicrhau bod digon o wahanol bynciau ar gael i'r myfyrwyr eu hastudio a hynny mewn un lleoliad mewn cyfleusterau modern a fyddai'n cynnig y dechnoleg ddiweddaraf.



Y dewisiadau

I wella'r ysgolion hyn, cynigiwyd y dewisiadau a ganlyn gan aelodau'r Cyngor:

Dewis un

- Lleihau Ysgol Uwchradd Treffynnon.

Byddai hyn yn golygu dymchwel rhan o'r adeilad a/neu ddefnyddio rhannau ohoni at ddibenion eraill, fel swyddfeydd i denantiaid preifat.

Ni fyddai sefyllfa Ysgol Perth y Terfyn ac Ysgol y Fron yn newid o gwbl. Byddent yn parhau i fod yn ysgolion ar wahân ac yn aros yn eu hadeiladau presennol.

Nid oes arian ar gael gan Lywodraeth Cymru ar gyfer y dewis hwn. Byddai'n rhaid i'r Cyngor dalu oddeutu £13m. Dyma'n fras, yw cyfanswm cost y gwaith.

Dewis dau

- Adeiladu ysgol uwchradd newydd i ddisgyblion 11-18 oed, ynghyd ag un ysgol gynradd newydd yn lle Ysgol Perth y Terfyn ac Ysgol y Fron.

Byddai hyn yn golygu codi adeilad llai ar gyfer Ysgol Uwchradd Treffynnon ar y safle presennol. Byddai'r ysgol yn cadw'i chweched dosbarth.

Byddai hyn hefyd yn golygu cau Ysgol Perth y Terfyn ac Ysgol y Fron. Byddai'r ddwy ysgol yn uno fel un ysgol gynradd newydd mewn adeilad newydd ar safle presennol Ysgol Uwchradd Treffynnon.

Nid oes arian ar gael gan Lywodraeth Cymru ar gyfer y dewis hwn. Byddai'n rhaid i'r Cyngor dalu oddeutu £34m. Dyma'n fras, yw cyfanswm cost y gwaith.

Dewis tri

- Adeiladu ysgol uwchradd newydd i ddisgyblion 11-16 oed, ynghyd ag un ysgol gynradd newydd yn lle Ysgol Perth y Terfyn ac Ysgol y Fron.

Byddai hyn yn golygu codi adeilad llai ar gyfer Ysgol Uwchradd Treffynnon. Byddai cyrsiau chweched dosbarth yn cael eu cynnal mewn canolfan Ôl-16 newydd yng Nghei Connah.

Byddai hyn hefyd yn golygu cau Ysgol Perth y Terfyn ac Ysgol y Fron. Byddai'r ddwy ysgol yn uno fel un ysgol gynradd newydd mewn adeilad newydd ar safle presennol Ysgol Uwchradd Treffynnon

Byddai'r ysgolion newydd yn cael eu llunio i gynnwys ystafelloedd a chyfleusterau a fyddai'n cael eu defnyddio gan y gymuned gyfan. Byddai'r opsiwn hwn yn cynnwys gweithio gyda phartneriaid eraill megis Coleg Glannau Dyfrdwy, Prifysgol Glyndŵr, Addysg i Oedolion ac ati i ddarparu cysylltiadau cadarn â phob rhan o'r gymuned.

Mae Llywodraeth Cymru wedi cymeradwyo ariannu'r dewis olaf hwn, o ran egwyddor, gan ei fod yn bodloni'r meini prawf ar gyfer darparu ysgolion addas ar gyfer yr unfed ganrif ar hugain a hefyd yn rhesymoli'r ddarpariaeth Ôl-16, sef blaenoriaethau'r Cyngor a Llywodraeth Cymru.

Pe bai'r dewis hwn yn cael ei gymeradwyo, mae Llywodraeth Cymru wedi nodi y byddai'n barod, o ran egwyddor, i gyfrannu £15.5m tuag at y gost o adeiladu'r ysgolion newydd. Hanner y gost lawn yw hyn. Byddai'n rhaid i'r Cyngor dalu'r gweddill.

Mae Llywodraeth Cymru wedi nodi ei bod yn barod, o ran egwyddor, i gyfrannu £6.6m tuag at gost y cyfleusterau hyn. Hanner y gost yw hyn.

Y dewisiadau (i'w barhau)

Mae'n bwysig bod y Cyngor yn gwella adeiladau ysgolion ac yn sicrhau eu bod yn addas ar gyfer yr unfed ganrif ar hugain. Mae Llywodraeth Cymru hefyd wedi ymrwmo i wella ysgolion ledled Cymru. Ni fydd Llywodraeth Cymru yn rhoi arian i gynghorau oni bai bod ganddynt gynlluniau i godi adeiladau newydd ar gyfer ysgolion neu i ymestyn a gwella ysgolion i greu cyfleusterau modern. Byddai angen i unrhyw ddatblygiad newydd fod yn hyblyg, er mwyn caniatáu'r newidiadau yn y ffordd y darperir addysg yn y dyfodol ac er mwyn cynnwys y dechnoleg ddiweddaraf ar gyfer dysgu.



Os bydd y Cynghorwyr yn penderfynu bwrw ymlaen ag un o'r dewisiadau na all Llywodraeth Cymru ei ariannu, bydd yn rhaid i'r Cyngor wedyn flaenoriaethu'i gyllid ei hun, ochr yn ochr â'i ymrwymadau ariannol eraill, ac ystyried sut y gallai godi'r arian angenrheidiol.

Dim ond os penderfynir adeiladu ysgol gynradd newydd y caiff y dewis i adnewyddu'r ysgol uwchradd ei gymeradwyo. Y rheswm dros hyn yw y byddai angen adeiladu'r ddwy ysgol ar yr un safle a byddent yn rhannu rhai o'r cyfleusterau.

Bydd yr ysgol newydd yn cael ei hadeiladu ar gyfer 600 (11-16) neu 750 (11-18) o ddisgyblion. Byddai hyn yn ddigon mawr i dderbyn yr holl ddisgyblion sy'n debygol o wneud cais am le yno, yn ôl yr ystadegau, yn ystod y 15-20 mlynedd nesaf. Byddai hyn yn ystyried ffactorau fel datblygiadau tai newydd a byddai'r gallu i ymestyn yr adeilad, pe bai angen, yn cael ei gynnwys fel rhan o'r cynllun.

Byddai cyfleusterau ar gyfer bysiau a cheir ar y safle i sicrhau bod traffig a cherddwyr yn cael eu cadw ar wahân.

Trefniadau teithio

Os bydd yn rhaid i ddisgyblion deithio i safle arall yn dilyn unrhyw gynllun i ad-drefnu ysgol, byddai'r Cyngor yn gwneud trefniadau priodol i'r disgyblion hynny sydd wedi cofrestru eisoes yn yr ysgol dan sylw.

Y camau nesaf

Dyma'r ymgynghoriad cychwynnol. Bydd eich barn a'ch sylwadau'n cael eu casglu ynghyd i'w hystyried gan y Cyngorwyr ddechrau'r haf pan fyddant yn penderfynu a ydynt am symud ymlaen i gam nesaf yr ymgynghoriad.

Caiff ail gam yr ymgynghoriad ei gynnal ddiwedd yr haf cyn i'r Cyngorwyr wneud penderfyniad terfynol. Cewch wybod pryd y bydd y cam nesaf yn dechrau.

Ar ôl yr ail ymgynghoriad, bydd y Cyngorwyr yn penderfynu a ydynt am fwrw ymlaen ag un cynnig penodol. Os byddant yn penderfynu gwneud hynny, bydd y cyfnod statudol yn dechrau. Yn ystod y cyfnod statudol, bydd manylion un cynnig penodol yn cael eu cyflwyno'n glir a chewch un mis i anfon unrhyw wrthwynebiad ysgrifenedig atom.

Os bydd y Cyngor yn cael dim ond un gwrthwynebiad yn ystod y cyfnod hwn, caiff y mater ei drosglwyddo i Weinidogion Cymru a nhw fydd yn gwneud y penderfyniad terfynol.



Rhestr Termau

Uno - Pan fydd dwy ysgol neu ragor yn cau ac yna'n cael eu cyfuno i greu un ysgol newydd gydag un pennaeth ac un corff llywodraethu. Yn Nhreffynnon byddai'r ysgol gynradd newydd mewn un adeilad newydd ar safle presennol Ysgol Uwchradd Treffynnon.

Llefydd gwag - Mae adeiladau rhai ysgolion yn rhy fawr o ystyried nifer y disgyblion sydd ganddynt. Yn ôl Llywodraeth Cymru, ni ddylai ysgolion yng Nghymru fod â dros 10% o lefydd gwag. Hynny yw, os yw ysgol yn ddigon mawr ar gyfer 500 o ddisgyblion, dylai fod ganddi o leiaf 450 o ddisgyblion ar ei chofrestr.



Rhesymoli addysg Ôl 16 - Yn ôl Llywodraeth Cymru mae'n rhaid i'r chweched dosbarth fedru cynnig o leiaf 30 pwnc gwahanol i fyfyrwyr eu hastudio. Mae Llywodraeth Cymru yn rhoi arian i ysgolion gynnal chweched dosbarth. Mae'n gwneud hyn drwy roi swm penodol o arian ar gyfer pob myfyriwr sy'n cofrestru i astudio yn y chweched dosbarth. Lleia'n y byd sy'n cofrestru, lleia'n y byd o arian gaiff yr ysgol. Mae Strategaeth Moderneiddio Ysgolion y Cyngor yn dweud bod angen 120 o ddisgyblion i fedru cynnal chweched dosbarth.

Canolfan Ôl-16 - Mae Llywodraeth Cymru wedi cytuno o ran egwyddor i ariannu canolfan chweched dosbarth newydd yn Sir y Fflint a fyddai'n cynnig amrywiaeth lawn o bynciau i fyfyrwyr eu hastudio, a'r cyfan ar un safle. Mae'r Cyngorwyr, yr ysgolion a Choleg Glannau Dyfrdwy wedi cytuno mai Cei Connah fyddai'r lle gorau i greu canolfan o'r fath, er nad oes yr un penderfyniad terfynol wedi'i wneud eto.

Campws Dysgu - Creu adeiladau ysgol newydd a modern ar un safle sy'n rhannu rhai cyfleusterau, sy'n manteisio ar y dechnoleg newydd ac sy'n cael eu defnyddio gan y gymuned gyfan.

Ysgolion yr unfed ganrif ar hugain - Mae Llywodraeth Cymru, drwy weithio gyda Chymdeithas Llywodraeth Leol Cymru (CLILC) am wella addysg a sicrhau bod safonau addysg Cymru gyda'r gorau yn y byd. I wneud hyn mae angen adeiladau ysgol modern, sydd â'r dechnoleg ddiweddaraf, sy'n ysbrydoli plant, pobl ifanc a'r gymuned ehangach i ddysgu.

Strategaeth Moderneiddio Ysgolion Sir y Fflint - dogfen y mae'r Cyngorwyr wedi'i mabwysiadu sy'n egluro'r problemau sy'n wynebu'r Cyngor wrth iddo ddatblygu ysgolion sy'n addas ar gyfer yr unfed ganrif ar hugain.

Dogfennau a Gwybodaeth Ychwanegol

Dogfennau eraill yn ymwneud â'r Adolygiad Ysgolion

Mae'r dogfennau ar gyfer yr adolygiadau eraill i'w gweld ar wefan y Cyngor
www.sirfflint.gov.uk/adolygiadysgolion

Ardal Treffynnon – Ysgol Uwchradd Treffynnon

Ardal Treffynnon - Ysgol Perth y Terfyn ac Ysgol y Fron

Ardal Bwcle – Ysgol Uwchradd Elfed ac Ysgol Gynradd Westwood

Ardal Queensferry, Shotton, a Chei Connah – Ysgol Uwchradd Cei Connah ac Ysgol Uwchradd John Summers

Gwybodaeth ddefnyddiol berthnasol

Partneriaeth Dysgu 14-19 – Achos Amlinellol Strategol

Arweiniad i Wasanaethau Addysg

Pecyn Gwybodaeth Moderneiddio Ysgolion

Strategaeth Moderneiddio Ysgolion

Mae'r dogfennau uchod i'w gyd i'w gweld ar wefan y Cyngor
www.sirfflint.gov.uk/adolygiadysgolion neu cysylltwch â'r
Gyfarwyddiaeth Dysgu Gydol Oes ar 01352 704011.

Gwefannau defnyddiol eraill

Ysgolion yr ugeinfed ganrif ar hugain – ar gael
drwy ddilyn dolen ar wefan Cyngor Sir y Fflint,
sef www.sirfflint.gov.uk/adolygiadysgolion
neu ewch i www.21stcenturyschools.org



Cyfarfodydd ymgynghori

Lle	Gwahoddedigion	Dyddiad	Amser	Natur y cyfarfod
Ysgol Uwchradd Treffynnon	<i>Athrawon a Staff Ategol Ysgol Uwchradd Treffynnon</i>	13/3/2012	3.45pm	<i>Cyfarfod ag uwch swyddogion y Cyngor a sesiwn holi ac ateb.</i>
	<i>Llywodraethwyr Ysgol Uwchradd Treffynnon</i>	13/3/2012	5.30pm	<i>Cyfarfod ag uwch swyddogion y Cyngor a sesiwn holi ac ateb.</i>
	<i>Rhieni/Gofalwyr disgyblion Ysgol Uwchradd Treffynnon</i>	13/3/2012	6.30pm	<i>Gweler y rhaglen isod</i>
	<i>Rhieni/Gofalwyr disgyblion Ysgolion cynradd ardal Treffynnon</i>	19/3/2012	6.30pm	<i>Gweler y rhaglen isod</i>

Gwybodaeth i rieni a gofalwyr

- Fel rhiant neu ofalwr disgybl(ion) yn Ysgol Uwchradd Treffynnon, neu ysgolion cynradd ardal Treffynnon, fe'ch gwahoddir i un o'r cyfarfodydd uchod.
- Dylech ddod i'r cyfarfod sydd fwyaf cyfleus i chi a'ch plentyn/plant.
- Bydd dau gyflwyniad a chewch ddewis fynd i'r naill neu'r llall a bydd cyfle i chi ofyn cwestiynau.
- Mae amser y cyflwyniadau wedi'u nodi uchod. **Bydd y ddau gyflwyniad yr un fath yn union.** Does dim angen neilltuo lle, dim ond dod draw i'r cyflwyniad sydd fwyaf cyfleus i chi.
- Bydd lle anffurfiol i wrando ar gael hefyd. Bydd swyddogion y Cyngor wrth law i ateb cwestiynau. Gallai'r trefniant hwn apelio at bobl y byddai'n well ganddynt gyfarfod llai ffurfiol. Bydd hefyd ar gael i bobl sydd wedi gwrandao ar y cyflwyniadau ac yn awyddus i sgwrsio'n fwy anffurfiol wedyn gyda swyddogion y Cyngor.

RHAGLEN

18.30	<i>Cyflwyniad gan uwch swyddogion y Cyngor a Chynghorwyr</i>
18.50	<i>Cwestiynau</i>
19.20	<i>Diwedd y cyflwyniad cyntaf</i>
19.30	<i>Ailadrodd Cyflwyniad gan uwch swyddogion y Cyngor a Chynghorwyr</i>
20.20	<i>Diwedd yr ail gyflwyniad</i>
21.00	<i>Diwedd y cyfarfod</i>

18.30

Lle anffurfiol i wrando

*Bydd uwch swyddogion
a chynghorwyr wrth
law i ateb unrhyw
gwestiynau'n anffurfiol*

21.00